

丁丑春仲

佛塔羅道

唐仲



補白
上南車中聯句

庚午七月十一日余及楚英、毓倫二姊乘首班赴滬，得值朱太忙姻兄於車次一時吟興過發，即景成句，洵足樂也。自慚不學，未嫻吟詠，附隨驪尾，殊增顏汗耳。

養怡居士記

姊妹同車望滬行。怡太忙。邂逅養怡生。忙倚窗枯坐無聊甚。毓低唱聯吟詩句清。楚

旭日初升霧未消。楚秋蟬高唱戀林梢。毓迷濛遠樹依稀認。怡車走雷聲語正饒。忙

吟和車聲走不知。忙三林過後到楊師。怡日高漸覺征途熱。楚人愈多時汗愈滋。毓

人皆飛步到江舟。毓上座無多佔下游。楚蠅蚋雖多心自靜。忙乘風破浪快磨酬。怡

養怡草堂圖徵詩文啓

養怡垂髫失怙。終鮮兄弟。賴母氏劬勞。鞠育成立。行年三十。建樹無成。慚惶曷已。每念駒光如逝。少壯蹉跎。不自淬礪。何以對先人。更何以自問。爰倩瀟華葉先生。繪成養怡讀書圖。懸之座右。花晨月夕。披卷相對。敘天倫之樂事。亦藝林之佳話。惟思既張法繪。而乏名題。則明珠韞櫝。厥美不彰。擬懇文壇碩彥。闡閣才媛。錫以詩詞文賦。斯璧合珠聯。輝增蓬華。恍聚良朋於一室。資攻錯於他山矣。不論片辭隻字。亦當什襲珍藏。永留紀念。謹布小啓。延歧爲勞。

民國二十六年丁丑春三月中浣

南匯姚永年養怡甫謹啓

賜件請寄 上海浦東周浦鎮刷布街十六號姚宅

附徵聯

錢化佛畫佛化錢(按錢君爲海上畫佛聖手)

予於前歲刊浦東各報。徵續下聯。雖應者不謬。然鮮與原題相洽。茲再徵求。以冀璧合。尙希博學君子。不吝賜教。無任榮幸。

秋塘蜀道詩目錄

卷上

成都雨發	一
晚抵雙流	一
渡洋馬河	一
卓王孫宅	一
文君井	一
嚴君平故里	一
鶴山書院	二
邛州道中	二
迎暉閣晚眺	二
屋漏和白華先生韻	二
邛州使院古桂歌	二
大暑前二日霽登迎暉閣望灌口	三
諸山積雪	三
金雞關	四
宿百丈驛	四
平羌渡望鐵索橋	四
登雅州城樓	五
雅州安使院絕句	五

秋塘蜀道詩 目錄

雅州立秋日作	五
孟山塘	七
竹屋	七
板屋	七
兩關山	七
大相嶺	七
清溪縣	八
錢篋	八
仙人洞	八
大渡河	八
越嶲道中	八
仙人掌	九
曬經石	九
由平夷至大灣	九
宿海棠驛	一〇
羅羅河	一〇
小相嶺	一〇
下相嶺歷象鼻白石塘雨大作	一〇
聖泉	一一
冬青	一一

鷓鴣	一一
瀘沽峽	一一
七夕抵寧遠	一一
寧遠四首	一二
中元節西昌院齋對雨	一二
使院望邛池	一三
汎舟邛海登瀘山寺	一三
名山劉明府招遊蒙頂	一四
中秋迎暉閣遲月	一四
題楊邛州吟風閣曲譜	一四
璞函趙文殉難詩	一五
錦江舟發	一五
眉州行	一六
青神曉發	一六
嘉定	一六
柑	一六
登嘉定城樓望峨眉山	一七
舟中望凌雲山	一七
槌爲	一八
霧泊和白華先生韻	一八
敘州	一八
自鎖江亭放渡游涪溪	一八

卷下

涪洞	一八
流盃池	一九
大茅峽	一九
瀘州	一九
撫琴臺	一九
九龍灘	二〇
重慶	二〇
題蔡太守出峽圖	二一
永川松化石二首	二一
次白華先生曉登忠州城樓韻	二一
屏風山謁陸宣公墓	二一
寄鷓明府遷安	二一
寄鄂不	二二
夔州詠古四首	二二
甘后墓	二二
赤甲山	二三
相公橋	二三
灑頰堆	二三
補鍋行	二三
食鮓魚呈白華先生	二四

雨夜懷冶堂楚中……………	二四
晚登永安亭……………	二四
望白鹽山雲氣……………	二四
紫竹園女史陳絳綃以四詩索	
升菴梨花一枝次韻……………	二四
題澹園太守棧道圖……………	二五
錢送白華學使還朝……………	二五
送錢牧也權榮經令……………	二六
升菴催梅詩二首……………	二六
寒夜有懷……………	二七
火浣布……………	二七
小除日過張前之園……………	二七
新繁道中……………	二七
人日立春宿花藥寺……………	二八
通泐橋……………	二八
贈古華楊明府……………	二八
成都上元絕句八首……………	二八
升菴紅梅感開榕窠觀察以墨	
梅題詞見貽賦答……………	二九
榕窠觀察於升庵前添種梅花	
一株作短歌……………	二九
升菴前復添綠萼梅一株和榕	

窠觀察作……………	二九
題聽簫圖……………	二九
贈劉純齋學使……………	三〇
乞沈澹園太守畫山水用東坡	
煙江疊嶂圖韻……………	三〇
升菴梨樹作花屬題……………	三〇
海棠……………	三一
櫻桃花……………	三一
贈孟補堂……………	三一
送堯峯之合江……………	三一
贈胡晴軒中翰……………	三一
升庵梨花下作……………	三一
朱笈谷明府過訪賦贈……………	三二
題堯峯入蜀圖卽送其出蜀	
歸維揚……………	三三
七月廿八日遊草堂寺……………	三三
展重九集升庵賞菊……………	三四
昭覺寺……………	三四
鄆縣揚子雲墓……………	三五
楊太尉墓……………	三五
惠陵……………	三五
國士橋……………	三六

秋塘蜀道詩 目錄

籌筆驛	三六
長平坑	三六
定軍山諸葛公墓	三六
姜伯約墓	三七
張桓侯墓	三七
龐靖侯墓	三七
諱周祠	三七
費敬侯墓	三八
蘇武牧羝圖	三八
鴻門	三八
紫柏山留侯祠	三九
武侯祠	三九
劍閣	三九
武擔山	三九
天回山	四〇
班孟堅墓	四〇
韓侯嶺	四〇
趙城	四〇
井陘關	四〇
馬道	四一

四

師曠故里	四一
江油	四一
題朱凝臺桐月照	四一
篆仙刺史出蜀圖	四一
題畫簑送篆仙	四二
次韻答榕巢觀察	四二
疊韻寄祝榕巢觀察	四二

附錄

郡志古今人傳	一
光緒南匯縣志	一
叔祖秋塘先生傳	一
之照	一
墨香居詩鈔	一
馮金伯	一
述山詩鈔	一
唐祖樾	一
周浦詩鈔	一
王家聲	一
白華前稿	一
吳省欽	一
跋	
馮金伯	一
火文煥	一
守潛	一
永年	一

秋塘蜀道詩卷上

南匯姚蘭泉著

成都雨發

分得黎風雅雨來。織烏不向筍輿開。翻騰水急搖千脉。背郭山低溼一堆。閉煞
鳥鷗依岸草。洗將戈甲靜邊埃。衝泥直指宜城路。煙景迷離首重回。

晚抵雙流

二江衣帶合。舊是廣都城。飲犢風猶古。鳴鳩雨欲晴。先賢不可作。故里有餘清。
仰止空祠墓。蒼茫煙藹橫。商瞿生瞿上

渡洋馬河

江水紛別派。洋馬當武陽。巨浸恣迅湍。沿涯絕駕梁。轟雷灘勢折。霽雨沙痕長。
浪花濺涼袂。石瀨磨輕航。泛宅仍塵鞅。對鏡乏波光。竹枝莫解唱。杜若誰貽芳。
河中有鯉鯉。河上滿禾桑。望望寶資山。連峯鬱蒼蒼。

卓王孫宅

王孫蹟已零。何處訪門庭。廢址犁春雨。荒邨照夜星。懸鶉殊失計。蓄婢有遺型。
好事臨邛客。攔街置甕亭。

文君井

唱罷白頭吟。銀牀自汲深。覆桐餘短綆。贈芍在孤琴。有冽從君食。非督表妾心。

秋塘蜀道詩

二

當壚聊放誕。鑑影遠山沉。

巖君平故里

卬州東
萬石巖

玩辭消悔吝。棄世善行藏。市近鷲還脫。居遺德不忘。解嘲親撰杖。賣卜縱看囊。萬石居民少。誰依俎豆光。

鶴山書阮

了翁居處地。池館付荒烟。兄弟文章著。君臣社稷偏。翠屏圍閣外。白鶴下峯顛。尙友胡安在。長偕易洞傳。

卬州道中

一舟輿馬渡斜江。路轉平畦臥石杠。杭稻繁青迷曲渚。秣菴團綠暗疎窗。東湖當日勞疏淪。西域何人駐節幢。風景于今休養好。農桑動我憶鄉邦。川南士卒急官差。邊嶺還教掃積糶。鹽井茶場寬權稅。嶽山瀝水結屏柴。葵榴弄影梢輕蝶。苔蘚凝陰閣亂蛙。襪被幾宵愁月額。漏天近處託衙齋。

迎暉閣晚眺

澗甸去住苦罪微。纔得須臾逗晚暉。試上迎暉閣上望。青山猶自著雲衣。豁露簷牙啄女癩。千家竹樹淨浮光。清風披拂名賢座。抖擻塵埃奉瓣香。閣有
了翁
主栗

屋漏和白華先生韻

花版重重瓦亦全。却留微罅雨痕穿。響隨檻外空階滴。潤及牀頭破瑟懸。幾
半同情隔轍。芥坳一任觸虛船。故園歲歲秋風裏。蘿補何堪蹋壁眠。

邛州使院古桂歌

桂之樹。枝相樛。何年吹下廣寒秋。連蜷偃蹇鏤荒院。萬个隣竹同清幽。我來臨
邛道。照眼餘火榴。欲看千點綴金粟。尙待八月明玉鉤。泱旬闌風兼伏雨。遍野
綠暗與紅稠。爾桂不枯亦不潤。晴似可喜陰寧愁。招搖有種玄經識。闍河落實
仙家求。植根縱復傍下土。積算要自居上游。况當百卉紛挂眼。荃蕙蕭艾盈一
疇。晦堂釋子謾詮解。淮南詞客聊淹留。夜深樹底鳴騷屑。諱謹詘詘呼鸛鷗。婆
娑生意觸鄉夢。玲瓏石畔天香浮。謂茸城使院古桂

大暑前二日霽登迎暉閣望灌口諸山積雪

西嶽佐命推青城。洞天高矗芙蓉青。陽峯陰峯各二九。亂山西北如連營。臨邛
十日作暑雨。王洽潑墨圖山形。鞭撻陽石誅黑蜮。東方還却新銅鉦。千巖蒼蔚
草木變。一岫照耀玻璃明。天公每以玉爲戲。撒遍震且搖光晶。留下傘石冷不
滅。看煞炙手炎官行。秦烟漢月幾經改。琪花琳樹徒爭榮。水澤腹後倍增霰。火
雲墟處仍藏冰。方員珪璧遺跡泥。高深陵谷餘寒凝。銀鑿得非蹴碎粒。鶴鶴應
爲舞雜鬣。蠟屐濟勝絕幽客。拄杖入定憑孤僧。流澌在麓離堆合。鑿霧及巖
眉平。都安一帶紛聚米。要仗滕六馳翠屏。鳥飛不得越險阻。萬古夷夏消侵凌。

秋塘蜀道詩

四

蘊隆下界苦焦渴。遠眺直使心神清。

金鷄關

金鳳橫縣北。金雞環縣東。兩山各分翅。勢欲啄蔡蒙。自入雅安路。略與雲棧同。登頓歷高下。氣候值蘊隆。關前一結束。崖削摩晴空。接葉暗仄徑。奔流阻長虹。禽言易得巧。馬步難爲工。戍卒盡出塞。一夫守有功。折臂詎非幸。莫漫噉新豐。持以當玉門。早晚歸兵戎。

選入松江詩鈔及海曲詩鈔

宿百丈驛

山下

翠微歷歷初排闥。皂蓋匆匆未放衙。但聽馬嘶爭食馱。不聞魚眼試煎茶。幾時紅旆還京雒。明日青衣認漢嘉。小住須臾真掣電。臨行繡綵有栖霞。

選入海曲詩鈔

平羌渡望鐵索橋

雅安諸山環郡郭。雅安諸水禹功鑿。奔騰萬馬趨東流。過客喚渡心錯愕。江口一束水愈急。欲往從之通略約。非木非石憑虛空。連貫端委互鐵索。兩版縱施僅容趾。扶闌仍藉銀錯縛。亦有支柱插中流。動搖不定難倚著。行人負戴互來去。風中懸旌勢欲落。俯瞰湍雪轟雷霆。失足詎飽魚龍嚼。蜀道鐵官鎔石蒜。百鍊繞指歸鬘鬘。不作鋒銛汚赤血。十條鈎鑱牢結絡。億千熙穰濟朝暮。竹籊如梭分寄託。我輿乍跨青衣水。長虹穩步穿飛閣。到來不敢捨輕筏。翹首金繩嫌命薄。夾岸烟火紛市囂。日日剪江罕停泊。淫霖比復衝新漲。坎險更肆風波惡。

七年湯旱兆龜坼。未必橋頭履焦涸。漢嘉自昔用武地。變化沙蟲與猿鶴。只今
渡瀘遣名將。投鞭橫截不盈杓。惟索可朽鐵可爛。沛澤永永周六幕。徒枉政美
稽月令。蕩平遵路看印笏。

登雅州城樓次杜凝臺觀祭韻

危譙突。心上青雲。漢甸蠻鄉表裏分。山勢繚垣排巨鎮。江聲駭弩沃斜曛。防

柳色先侵雪。春貢茶香尙帶雲。父老謾驚烽燧舉。兩階干羽亦行軍。選入海曲詩鈔

瘴癘消殘雨露中。儘教帷幄奏膚功。千尋昔嶺貔貅集。一綫和川損鳥通。已見

受降歸大版。尙煩轉饜達元戎。武侯佚事徵嚴道。多恐流聞有異同。

微外春深冷似冬。蟻緣蝟索路重重。羈縻肯使狼鬪野。耕鑿奚愁鼠害農。黃鉞

宣威三道震。青林擢秀十分濃。卽看右相圖王會。稠峇如麻入賦竇。

羌笛聲連戍角聲。蒼茫回首仲宣情。停鞭絕塞思傳檄。拓戟諸侯媿請纓。人語

近夷終變夏。天心念雨特舒晴。憑高妍唱留多少。誰識弓衣付別營。

雅州安使院絕句

暮對朝看面面山。日長人靜漏聲閒。不知滴博營前路。蹴躡驂騑幾箇還。

柏榭香歎影鬢。豈蔓藤梢未足誇。記得故園三徑裏。一坪敲罷削甜瓜。

衆曲屏山小折枝。仰家扇子引涼颺。雕蟲夢鹿會何有。禪意風懷也不知。

未能借得西山書。且喜沽來丙穴魚。好鳥名花侑深酌。縱然昨宿亦吾廬。

秋塘蜀道詩

六

鼓鞀鬧後管絃沈。誰譜吟風閣上音。拈取新詞聊解穢。晚涼清吹落孤岑。楊柳州吟

風閣曲譜

隔垣傑閣語簷鈴。灌木叢篁擁翠屏。不借旅人恣登眺。似嫌饑眼注峯青。院外春秋

閣

湖海雙萍聚一洲。對牀剪燭怕言愁。吳山楚水兼燕市。各有巫陽到枕頭。楚辭院六

峯

爽塏初更問雅材。山川奇處謝公來。擬將好句鐫蒙頂。秋色遙從馬首開。院係新建

白華先生有蒙頂茶歌約以八月偕遊

雅州立秋日作

逝節忽匆報早秋。等閒瓜李漫沉浮。近山涼氣侵朱箔。多雨晴光溼綠洲。杭稻漸看鷓鴣啄。閭閻祇望鼓鼙收。戎機何與書生事。龍臥空思最上頭。

偶然汗漫事遐征。眞作叩嶽叱馭行。竹葉未隨梧葉下。岫雲還似水雲橫。雀占安信都虛驗。鷗夢閒溪詎背盟。落拓青衫感寥泩。蒯緱彈罷一身輕。選入海曲詩鈔

溽暑將闌尙未闌。卸鞍幾日又憑鞍。寄衣正及吳江冷。按轡初經蜀道難。五夜玉繩心自繫。百蠻銅柱膽應寒。劇憐詞客沙場陷。碧血千年裹一團。時聞夔函趙文殉歿

選入海曲詩鈔

風雅猶傳賢範堂。時平容易効循良。瞻來井絡星辰近。拓得坤維雨露長。首藉

漸肥輕馬足。靡蕪欲闢瀟羊腸。季鷹饜餐原非假。我亦蓴鱸是故鄉。

孟山塘

武侯誓師日。南人初就擒。至今空山下。祠柏猶森森。神勇本學問。大勢歸天心。平夷要不難。東望憂思深。靈風隔千載。遺軌平崎嶇。子役競來往。吾亦隨行吟。渡頭黯將夕。密雨來層岑。悠悠榮經道。兗略憑誰尋。

竹屋

如苞資九種。聚族足三間。瓦合鱗鱗剖。櫺疏個個刪。輕宜臨絕磴。賤可伐崇山。詞客名初署。清風謝筍班。

板屋

髯人栖止處。彷彿咏西戎。詎假藤蘿補。還教牝牡空。雀穿疑啄木。鷁泛不掀篷。飯勢難爲建。窮檐見土風。

兩關山

小關山。大關山。山容臙臙水潏潏。槎枒百尺蔽圭臬。魍魎九鼎遺神姦。盤紆蛇徑怯壯趾。寥落雁戶攢羸顏。籃輿忽聞絳夫語。如船上水爭邪許。涼蟬爲我送秋暑。白露明兮清風舉。不惜苧衣寒。愛將雲霧看。雲消霧滅分層巒。凌虛縹緲生羽翰。危乎高哉坐三歎。兩關山。行路難。選入松江詩鈔及海曲詩鈔

大相嶺

秋塘蜀道詩

秋塘蜀道詩

八

景川邁後路應平。犖磧終嫌未易行。障日奇峯浮樹影。跨泉虛閣撼蹄聲。百盤
尙想邛人路。千載猶傳漢相名。師出故非勤遠略。蠻荒筐篚自前迎。

清溪縣

黎風吹瘠土。耕少採樵多。歸漢封仍隸。平戎蹟未磨。西師經密驛。南詔互長河。
萬里通夷藏。迢遙更若何。

錢篋

前篋復後篋。採薪滿崇岡。不惜經虎穴。但得錢滿囊。
前篋樵者歌。後篋樵者答。採薪莫採芝。芝好不盈拾。

仙人洞

洞口桃花洞裏泉。何人蒲服漫求仙。漢王若遣文成到。肯讓相如使節先。

大渡河

河源出吐蕃。下流濯峨眉。嶺雅隔襟帶。長虹不可垂。舟移乍逆挽。換柁箬弦離。
霜雪沃淺瀨。雷霆走長湍。別派宏翕受。旁衝助犇馳。山椒泐水折。齒齒激漣漪。
巨靈雖有掌。焉能障東之。欲洗巴猿愁。先溉旄牛夷。澗落勢初緩。漲消痕漸移。
漁唱渺何處。未許津梁疲。

越嶲道中

沈黎雨去總荒陬。鷲埃迢迢著嶺頭。地接侏僂多人夏。時當締綰亦宜裘。首途

屢繼唐蒙開。大筆會緣孟獲籌。漢代到今幾沿革。版圖已屬內諸侯。

崎嶇灌莽耐倭遲。瘴氣潛從塞外移。疏淪不遺魚洞水。懷柔直及馬湖夷。幸臣
死後銅山徙。道中有蓮。甯遠銅者。猛將生前石碣治。天王山下劉縱。碑。鮪。鮪封處。上駟詎煩勤作賈。買

牛處處重耕犁。宋時構部貢馬。

信宿淞緣路未央。西番力役較馴良。催科自是除荒徼。廢衛還爲列上綱。衛。魏。新。改。

守通六詔烟雲天際合。三秋風露鬢邊涼。斯文不隔方隅遠。石上騾痕應戴筐。昌。文。

跡遺

鳳凰門上鳳凰稀。鸚鵡山中鸚鵡飛。翠冷紅疎工點綴。沙圓渚曲靜因依。叱羊
淺草終離窖。採蠟深林要繫圍。一束堯封虎蛟徙。優遊跋履任忘機。

仙人掌

出土擎扶幹。非枝亦綴花。纖纖膚有刺。側側指連樞。玉采闐河韞。金莖漢月斜。
洪厓肩拍後。攜手到山家。

曬經石

飛錫遺蹤滿蜀都。梵王似不衛馳驅。至今一片山間石。曾有微功在苾芻。

由平夷至大灣

萬壑樹陰森。飛泉漱玉音。細花清露浣。幽鳥白雲吟。佛火長教現。蠻烟早已沉。
秋懷滿征路。策馬去駸駸。

秋塘蜀道詩

宿海棠驛

會說碧雞坊。豐姿擅海棠。南充留客子。西府憶仙郎。孤館寒鐙剔。名花舊圃荒。讌遊誰復理。風雨颯蠻鄉。

羅羅河

雨降添山泉。泉流溢河水。乍盈還乍虛。有源復有委。夏秋每泛濫。深淺竟尺咫。沒踝信昇籃。濡蹏競揚簸。涸處石似枯。瀉來湍何泚。芴草脫淪胥。團瓢資挹彼。潭心掬未晷。岸口防初弛。想當波浪洶。計絕舟航艤。連朝披絮晴。幾輩褰裳喜。杭稻畦尚滋。龜鼈宅已徙。小閔麻姑塵。擬續道元紙。匹如草澤憂。興廢須臾耳。

小相嶺

移營漸出嶺州南。羽扇揮殘絕頂嵐。去去未妨夷縱七。懸懸祇爲鼎分三。崎嶇損鳥猶應畏。沉酒溪山已覺酣。顛米迂倪敝不到。畫圖何處愜幽探。

下相嶺歷象鼻白石塘雨大作

山游似啖蔗。節節味逾美。相嶺方後捐。神皋復前指。本非路可關。蔓壑去天咫。何人施狡獪。細篔亂雲裏。白日不到處。陰幽秘譎掩。萬樹作慘呼。風挾怪禽嘴。欲銜龍洞開。詎敢趨而眎。格格困馬蹏。融融注石髓。峭壁千仞削。危梁獨木倚。蟄物富淵藪。孰與窮奸宄。倏經礮閃紅。雷霆走脩礎。翻身決毒霧。黯黯滄沓起。穿林撲面來。大半雜冰子。感召杳難知。呵護或在是。不愁沴氣侵。但得醜類徙。

花蠻步捷猱。推挽越畏壘。靈運阻遐搜。少文空懸揣。垂堂縱忘戒。應念周行履。

聖泉

師行本啣枚。一軍何妨啞。茲泉亦會逢。遂爾談仍哆。慈雲作榮光。宜與建蘭若。
雲黃清比中冷涵。甘沛上池灑。居廉未足瘳。酌貪自應捨。啞泉今縱訛。聖泉昔寧假。水脈伏巉巖。神智辨云寡。椎牛緩須臾。歡呼動原野。

冬青

冕山嵩水種參差。戶戶欣占蠟滿枝。密葉不隨微霰下。細花常被好風吹。南方
蕙鬱壘含狀。西掖清華謝眺詩。秋暑未闌容喝蔭。黑雲堆處子離離。

鸚鵡

漫數嶺南與隴西。旄牛道上盡情啼。不緣僻陋輶奇采。轉爲聰明出故栖。金殿
玉臺消歲月。賦才詩筆薄雲霓。能言休便工蠻語。反使元談讓宋雞。

瀘沽峽

足繭不辭疲。藐却王陽畏。新橋穴石通。已詫蹊逕異。峽口更深入。白雲連一氣。
危崖欲崩殞。深洞劇幽邃。鑿開混沌竅。偃仄函複隧。天梯鑿渾成。罅泥溜難漬。
左詎層岩虧。右若繚垣置。迴轉躡巨鰲。扼要作巖屐。缺陷未遑補。落趾二分墜。
對岸劈斧形。絕頂建瓴勢。啞泉禁特申。清冷實誰試。俯瞰急流奔。黃龍怒裂皆。
孫水匯瀘河。決排智者事。登臨跡云罕。恐有虎羆伺。秦關鑿重重。視茲尚垣易。

下坡趁斜曛。人烟就鱗次。

七夕抵甯遠

錦城北望千餘里。何況江南一髮山。日日嶺雲生客袂。悠悠河水渡仙鬟。記時
荆楚傳鍼縷。問境礚瀘少觸蠻。誰是汾陽逢繡幄。西征隊裏拜銀灣。

甯遠四首

一握天低壓戍樓。岩疆鑿鑰控蠻陬。金沙江上寒濤夜。木託山中墜葉秋。從古
未窺虞夏制。當年幾費甲兵收。羅羅雅慕鴻都客。軋茁感恩逞筆頭。

浩浩蒼崖畫角沉。塞雲邊月照清砧。六花飛剩蘆那雪。九牧鐔連斛斲金。米粟
川西移鑲饋。旣裘滇北襲簪纓。鸚哥歷亂狙公少。消得露裳杜老心。

羌女能兼負戴勞。不將腕劍易腰刀。黎疆玕甸稱名舊。俄準陽蓬度地高。雷電
誠教驚孟獲。觸體畢竟怨章梟。揮將玉斧雄喬嶽。盡信書應及旅獒。

爲斥爲鹹問柏興。如茶如火想壘登。周師特著羌擊濮。禹貢偏遺沫若繩。三苑
荒閑空赤驥。九城廢壘下蒼鷹。却添藥味桐君錄。何處嘉禾滿綠塍。

中元節西昌院齋對雨

解夏及茲辰。微涼謝溽暑。璫儀擲雙丸。逝者不我處。沉思寡懽悰。寤歌淹逆旅。
浙瀝川上來。淒切聞蟲語。窗中遠岫低。浮雲翳平楚。府事旣云簡。嘉會渺何許。
濟濟空王門。枯樹嚴風舉。負拙慙詩書。議寒怨兒女。加餐誰寄將。贈錯徒延佇。

夷險任縱橫。陰晴歷脩阻。一與清景俱。埃壘因之去。疎花放迷濛。眷焉顧儕侶。

使院望邛池

西南諸夷誰最雄。邛都君長冠滇北。羸氏郡縣曾遠通。武皇更遣恢疆域。冉駝斯榆向辰樞。沫水牂牁奉羽檄。周遭雉堞隱悲笳。蕭瑟烏亭遠荒驛。唐虞封濬。儉九州。秦漢幅員窮八極。德威播不到遐陬。平地忽陷爲汗澤。鑪峯昔日列當窗。倒影今看動深碧。溶溶漾漾二十里。旱非見損潦非益。蛙黾一拳浮中央。犖角嵒山接尋尺。或稱海子或稱河。要自劫灰沉冤魄。撒網時復得嘉魚。浮家未許迎畫鷁。稻畦灌溉車競施。鐘樓汨沒莛誰擊。當年枉費馬卿略。靈關黑子付涓滴。似嫌隍壑隘城東。特作齋淪護阡陌。連朝眺望豁晴烟。不隔重圍與林隙。滄桑陵谷幻偏多。菹鱸魚絲歸夢宅。

汎舟邛海登瀘山寺

汶江走萬派。邛海停一泓。翠微圍面面。碧影涵冷冷。沙嶼楊柳合。石瀨鸕鷀輕。參連獨木艇。穩泛娛新晴。獠童狎水性。恣摸魚潭腥。焉知三尺鯉。非即漢生靈。鱗榜陟林麓。清吹出山楹。俯瞰鏡中色。醜醜浮瑤觥。搥衣躡蓮座。法華轉空明。碑版脫爨劫。呵護慈凝雲。以茲冠蓋盛。而令損鳥驚。蕭散須臾斬。矧乃參虛盈。益斥輦宏遠。扶輿孰虧成。樽前默俯仰。浩渺天風橫。蓬萊乏仙骨。御烈下滄溟。汗漫不可極。悵然越鄉情。

名山劉明府招遊蒙頂

神禹告旅平。大蒙屹終古。陽氣全鴻鈞。厥產異列土。我辭雅安回。微逕烟中取。
榮嶠罕行人。人家隱環堵。不覺漸歷高。屈盤到智炬。飯罷剔蘚碑。省牒臥廊廡。
穿林躡鉤梯。直上凌鳥羽。危坪雷始收。雷動荒利雲初吐。鑄成造化奇。矗矗頂
分五。韜芒驚宋隕。鍊色遺鳩補。灌木圍蒼顏。重欄悶奧府。誰栽八株茶。高不盈
尺許。配位立東西。儼然主與輔。相傳甘露師。漢代手藝樹。時未佛教興。云何入
梵語。靈根滋淺泥。嫩葉摘小暑。鱗蛻似就枯。箬封敢偷煮。井甃翳莓苔。一勺瓊
漿貯。石版覆朝昏。禱揭零陰雨。參差精舍開。金仙益春煦。瓦屋連聖燈。遐矚齊
僂僂。畢景下層坡。旋動商羊舞。茲遊殫美襟。濟勝勉筋脊。顧念戴星勞。筇屐籌
軍伍。

中秋迎暉閣遲月

浮雲深處府清虛。東望姮娥鬢影徐。興到庾樓原不淺。如何鸞樹隱扶疎。
出險重來印爪泥。蠻荒回首絳河低。萬山不放激輝遍。縱有冰輪隔岫迷。
常時黯淡惱橫空。况是今宵笑語同。絡角星繩猶暫暫。且教犀首竭尊中。
瓊樓玉宇照瑩臺。臺畔叢生金粟堆。漫向雕闌奏絃管。兔華漸拂鏡奩開。

題楊邛州吟風閣曲譜

搯罷檀痕醜一觴。淋漓忠孝動詞場。始知玉茗非傳作。腸斷徒聞俞二癡。

行春細馬傍琴臺。誰識江東樂府才。收拾吟風舊絃管。凱歌重和紫雲迴。時以單輶

璞函趙丈殉難詩

身爲西征滯。心緣北望深。文章山韞玉。忠孝管書金。自獻凌雲賦。還成望日陰。
薇垣香藹藹。樹室漏悵悵。振羽鸞爲掖。梳翎鶴在陰。九霄騰輔頰。萬里別商參。
鐵壁崎嶇道。鈴轅骯髒心。陳琳長草檄。王粲並露襟。與乘德王標柱勛初論。此部同行。題
橋蹟轉臨。舍人仍卓犖。幕府更清森。大小曾渠逞。春秋貢使沉。搗巢鷲已竄。穿
穴計將擒。六月兼裘裹。千夫集釜鬻。將星懸雪嶺。蠻語斷烟罇。躋秩紆光寵。籌
邊竭悃忱。蛟鼉潛碧浪。羆虎耀朱綬。詎料移營誤。旋聞入寨侵。突圍紛決裂。拯
陷隔巉嶽。竟化萋宏血。虛期傳說霧。衣冠從僕脫。祠廟儼神歎。成都建慰忠祠。以祀殉難諸公。
令子欣投漆。修門理盍簪。同披梁益路。看合梓喬林。客裏添離緒。書來盼捷音。
疾烽馳惡耗。盜汨倒狂霖。許國躬先卒。承家蔭獨任。祿勳揚蔭蕙。碑德載瑤琳。
煥雅寰中播。鰥隅徼外欽。猿腸摧絕塞。鵠魄繞荒岑。亮節全終始。清才照古今。
江流寒欲咽。如和雍門琴。

錦江舟發

肇域水稱黑。背郭江名錦。錦濯如鮮新。泚毫盍拾潘。昨載圖史行。言就鄂君寢。
朝暉催鷁浮。宿霧斂魚淦。怡衍涉趣塗。蕭疎驗畫品。岸拆資傭修。瀨淺縱牧飲。

秋塘蜀道詩

一六

嘉州路匪遙。急湍疾於隼。涸澤奈倭遲。輕舸如綠蚬。始知下水松。亦被上水晒。回首隱蓉城。風淒落葉緊。

眉州行

玻璃江水澹寒淥。江上人烟淨如沐。載酒凌雲到漢嘉。浪遊何必爲州牧。一邨蕭疎遠絕塵。一村犖確山之層。連灘白石矚晴煦。草痕淹碧疑初春。扁舟直下捷爲驛。遙睇三峽渺難卽。剩有詩翁照眼新。風流文采遺標格。岷源送入東海流。眉產偏作吳會留。家江苦厭浪花惡。有田不歸復奚求。竭來戎事勤西徼。邦人化俗趨官召。而我徒餘飄泊閒。扣舷還向蟆頤眺。蟆頤不躍亦不鳴。朝朝暮暮看舟行。舟行蟆頤不復送。拭眼猶問眉州城。選入海曲詩鈔

青神曉發

解纜青衣水。葡萄綠汎光。岩辭上中下。人憶魏蘇黃。拍浪全迷霧。欹林半壓霜。前灘經歷歷。寒意遲搏桑。選入海曲詩鈔

嘉定

江上孤城抱九峯。漢嘉從古秀靈鍾。樓臺荒圯猶思哲。戈甲銷沉祇勸農。塔影朝含紅日迴。鷓聲夜靜白雲封。峭寒收拾峨眉裏。雪候還嫌挾纜重。

柑

蜀產味初嘗。堆盤顆顆黃。銀刀三寸劈。翠學十分香。拜尹誠宜越。呼奴莫入唐。

繁花憶清暑。落實滿寒霜。

登嘉定城樓望峨眉山

岷嶓蔡蒙登禹貢。梁州獨有牙門遺。牙門山高偪闔闔。兩兩相峙同峨眉。美人娟娟不可卽。秀絕雲際橫參差。金鑷刮膜一憑眺。龜龍犀鳳諸峯隨。大觀蔽日月。中峨半瀾之。小峨雖遞滅。猶被罡風吹。八十四盤通帝座。獮升蛇退誰能覷。琪花瑤草珍禽怪獸目擊且口啞。何況合離遠近涉想而懷疑。仙子呼欲出。狂客杳莫知。竺國形象遍震旦。自西徂東首莅茲。布金卓錫宏梵宇。粥魚茶版容禪師。雷爲鐘鼓助鏗鞳。電作燈炬明琉璃。雪如堅玉積寒暑。冰或雜米耐蒸炊。佛光湧現暈五色。空際愉恍罕定姿。天孫織機鸞錦采。女皇鍊冶騰石脂。我聞五岳多異境。兜羅綿裏紛藏蕞。逕思奏糧擴奢願。匡廬羅浮武夷黃海各各探靈奇。勿使矯首頓足徒付管與蠹。吁嗟乎。眼前突兀尙如斯。安得巾箱圖繪真形垂。剖却芥子藏須彌。選入松江詩鈔及海曲詩鈔

舟中望凌雲山

昔賢載酒地。共識九峯尊。市氣近還遠。梵音朝復昏。江山助文藻。風雨脫纓鞵。一霎輕橈過。藤蘿不可捫。

聞道生瓜熟。驚濤計丈尋。卽看歸壑水。猶動涉冰心。魚美書難覓。蛙愚井漫沉。時聞掃岩嶠今古意。我輩幾登臨。復美諾

犍爲

水綠浪花碧。連灘怒不平。懸崖開古戶。擊楫下孤城。簇簇鹽醴合。村村蔗口榮。
江天沈暮靄。浩蕩白鷗輕。

霧泊和白華先生韻

混茫一氣裹長川。非雨非晴帶宿烟。遮斷螺痕深有豹。剪來穀影薄於蟬。天從
披處方能覩。舟到迷時未敢前。忽聽晨雞鳴喔喔。津頭知近屋東偏。

敘州

鎖江亭外水雲橫。戎旆蒼茫緬故城。樓合東西詞客杳。黎分大小雨師迎。游鱗
尙畏燒崖烈。芳樹曾聞劈荔輕。不數唐家韋李感。鄒鄒片石數勳名。韋南康李通

自鎖江亭放渡游涪溪

鎖江有峽石。鎖愁有山亭。石以抑江性。亭以消愁情。剪江過山市。曲折穿林塋。
未與涪溪遇。先聽涪溪聲。溪橋壓水面。涪翁昔經行。涪水隔幾許。溪乃錫嘉名。
輪囷大星墜。淙澗細澗縈。尋源不知處。歷亂雲根橫。宅幽趣彌永。心遠力自勝。
逕思前峯去。臨風緩濯纓。

涪洞

山骨本渾成。天工披大窾。仄劣膝理開。畫文忽中斷。巖齧上下合。空虛剪舌本。
盤辟履級黏。僮僕帽簷損。支撐柱擬添。合併勢猶緩。漏光一面通。展席十笏滿。

埃盪何自侵。莓苔亦云罕。祇益迴騰涼。須憑吹律煖。詩翁緬屐痕。雕鏤就疎散。不必鍾乳求。仙蹤去匪遠。

流盃池

幾曲微凹一線泉。山陰軼事仿羣賢。莫教孤負羲娥影。能爲詞人照醉眠。兩崖峭壁欲摩天。刻遍題詩不計篇。俛仰何須嘖陳迹。勝遊觴咏擅東川。元祐文章落左遷。接蘿聊擬習池邊。杜陵會否來脩禊。繪取西江宗派傳。

大茅峽

石尾露孤青。水心漾深碧。輕舟放溜遲。寒風打頭逆。微聞酒香來。小艇喚行客。欲泊未泊時。仰見千仞壁。逕踏雨後沙。言訪雲中宅。洞門結玲瓏。梯躡傳兩翼。上層豁然開。憑欄縱遠覲。疊嶂互蔽虧。連檣走絡繹。峯頂蒼鷹盤。巖腰黃葛蝕。啞羊扶竹鳩。怖鴿依金狄。長年瓜蔓浮。篙師慘顏色。不待巫峽驚。波瀾蕩魂魄。選入松江詩鈔及海曲詩鈔

瀘州

雲溪打漿下澄溪。溪上雨闌與嶺齊。趙相屏藩儕列辟。漢京冠帶厄羣黎。二遷地拓連神臂。九姓人歸信馬羸。欲訪榕陰瞻廟貌。臥龍草木夕陽西。

撫琴臺

山腰十丈石。屹然爲高臺。孝子怨慕心。陟彼援琴哀。履霜一再鼓。側身苦徘徊。

秋塘蜀道詩

二〇

沱源撼雙闕。浩淼黃龍堆。去矣從波濤。臺石遺崔嵬。吉甫中興佐。實惟大雅材。云何受讒惑。有子令早摧。伯封黍離什。訟古爭喧。誕說總渺據。清穆堂誰開。憶過嵩州道。白雞掩蒿萊。廟食嘆罔墜。英靈徹江隈。挽俗任傳會。蘆花燠寒來。

九龍灘

一龍升雲端。九龍入淵底。領珠各抱眠。不見首與尾。何年鱗甲蟠。大澤未肯徙。歎欲恣流涎。餘沫混涯涘。豢以萬斛舟。蛟鱷么歷耳。我聞陽數奇。尺木博山似。應龍翼雙垂。虬龍角獨指。誰能隻手屠。使彼狂瀾止。揚舡語老龍。上有緯蕭子。

重慶

九閩闐闐壓東川。虎踞龍蟠百尺巔。巖漢垣墉矜拔地。水聯外內折朝天。滇黔秦楚資蠻控。癸甲辛壬誕啓賢。一曲巴歌雜渝舞。隔江山翠落尊前。

開府當年建鉞旄。貔貅十萬陣雲高。漫將巾幗輕良玉。自是鯨鮪屬大刀。七姓難稽寬戶稅。三忠未泯薦溪毛。時平伏莽全芟刈。渡口鶯花點碧濤。

蒼蒼山館亂猿啼。巴蔓君臣宿草犁。一櫂秋烟明月峽。雙柑春日海棠溪。浮雲關塞迷江北。落木心情下瀼西。猶記唐宮新樂府。荔支香裏鬢霜蹄。

金碧岩峽舊賽神。劇憐銳氣老竇人。代荒那識龐肱闕。俗薄空懷杜孝鱗。縉嶺霞蒸迴鶴馭。涵園露冷掩蛛塵。宵燈試向江頭望。火樹銀花不斷春。

詩曲

選入松江詩鈔及海

秋塘蜀道詩卷下

南匯姚蘭泉著

題蔡太守出峽圖

一峽一風煙。猿聲一路傳。羲娥惟子午。楚蜀自山川。載石清名少。含飴樂事偏。
西湖濃淡景。歸夢落吳艎。

永川松化石二首

非松非石小嶙峋。松是前身石後身。一自阿香山下過。盡披翠髮掩蒼鱗。
謾謾清風磊磊姿。花南研北供相宜。三層閣下陶貞白。可見襄陽下拜時。

次白華先生曉登忠州城樓韻

好山致爽淨纖氛。遠漲全消露曲濱。葉葉輕帆新挂日。潭潭深樹暗擎雲。千家
倚郭喧鳴玉。幾輩登臺聚舞裙。欲向遺隍尋曼子。楚天寥泲角聲聞。

屏風山謁陸宣公墓

清霜掩蘿翠。援嘯落屏風。樵采何人禁。衣冠幾處同。裂麻深辨佞。扈駕枉論功。
太息山東詔。孤忠晚向忠。

寄鷗邨明府遷安

涇陽驛路柳依依。鳥影旋看塞上飛。遠樹春雲長遶夢。近天秋月迥揚輝。邊營
有喜平蠻易。河伯無靈娶婦非。時聞鷗邨以永定河決赴勘 昨向娥眉拖棧宿。爲君特地訪

雷威。

寄鄂不

酒覆深杯雪覆城。城頭蠟屐定三更。吾從槎影占西上。君亦鞭痕向北平。碣石天橫山海勝。縣花人豔弟兄情。無因老馬間關去。細剪疎燈話合并。

夔州詠古四首

誰告成家十二期。縱橫躍馬獨登陴。空倉雀起終年耗。深井蛙沉有客窺。漫喜隗囂收北面。卽看吳漢下西師。畢逋烏尾荒闡曙。那見羣朝柏柱時。

雄圖辛苦逢屯數。東下寧由孝直亡。千里猗亭空轉戰。一宮魚浦兀相望。同仇誼豈遺兄弟。顧命言如古帝王。玉殿虛無萊莽合。祇今膠序有輝光。永安宮址卽今夔州

學府

神機豈肯示桓公。方陣平開制不同。亂壘八行魚武鎮。怒濤一罅虎鬚通。堂堂未敢穿吳艦。磊磊還教傍漢宮。踢磧人歸城隱暮。尙聞石鼓鼓長風。

蒼涼身世遷流晚。渾漫詩篇飄泊多。刈稻客從巫峽下。薦萍我似浣溪過。老辭供奉心猶壯。劫轉昆明跡未磨。欲向平生論哀怨。蘭成臺樹屈原沱。漢入松江海曲二鈔

甘后基

香魂來玉几。應見墮龍髯。遺祿長黃乳。封墳照白鹽。吳磯靈孰倚。易坂魄曾淹。總帳非綃帳。淒涼泛夜蟾。選入松江詩鈔

赤甲山

赤城標峽口。見說映軍容。草木甯須長。烟雲也自封。半江搖堞雉。一雨挂巖龍。開府千年地。笳聲殷遠峯。

相公橋

宰相作前令。傳聞來戴星。稻香榮別墅。竹色暗疎汀。事業輕題柱。山川俯建瓴。不知橋下水。可到白雲亭。選入海曲詩鈔

灩澦堆

自爾插江底。無人無戒心。驚靈遺一鑿。蛟沫上千尋。沾泪幾時歇。行雲何處深。我來輕象馬。三度驗浮沉。選入松江詩鈔及海曲詩鈔

補鍋行

金川門邊開火城。祝融扶輦金甌傾。有家非家國非國。鼎鐘肯復存姓名。山河罅漏痛難泯。里巷饑渴憂還嬰。讀詩怕讀蜀道易。詩老碧血光熒熒。東川窮兒思食力。從學一一薪傳明。師乎師乎妙鼓鑄。毋乃鍊石完青冥。鼎烹雉占得華臚。釜飲虹光宜豐盈。胡爲甑塵幾絕爨。囊空酒涸排折鐻。師乃仰天笑不答。逕就帘影吸長鯨。醉來還問巴鄉清。馳厥負擔酣彭亨。一朝入市遇塞馬。一慟攜手深巖行。黑灰遺劫餒未了。慎毋再見留儀形。乾坤靈籥大鎔化。如此佼佼眞錚錚。老佛浪說還火宅。鉢盂豈使沾羶腥。高飛燕子魂亦餒。東風覓粒避老陵。

食鮐魚呈白華先生

鱠鱸甲何大。鮐鮐口何小。食鱸復食鮐。爾雅向公討。彼鮐吹沙來。入網鱸尤好。
欲兼熊蹯肥。一空鱗骨擾。藤酒調更融。芽薑佐宜搗。鱠才滿兩川。重脣故云少。
詩疏鮐是名新婦臂。知亦產海島。鮐鮐海濱人。鮐婢吳儂諳。魚舅蜀客曉。夙聞名重脣。

丙穴美。厥品視終莠。震澤設蕪遲。彝陵起汕早。何如瀝東西。潑刺收校朽。不待勸尺書。加餐共深飽。

雨夜懷冶堂楚中

寒虫鳴前除。瀟雨黯深夕。獨坐剗殘缸。羈心抱岑寂。彼美北渚游。經時斷消息。落葉滿故園。居人共憐客。

晚登永安亭

故宮秋草荒。夕陽淡眉宇。何人結孤亭。依依奉先主。山川阻且長。興衰幾今古。銅雀掩荆榛。金陵散歌舞。艱難託孤地。伊呂意辛苦。嗷嗷聽清猿。一聲泪如雨。

望白鹽山雲氣

雲非神女雲。莫向巫山起。雲非詩老雲。却到白鹽止。白鹽高高刺天。中有樹杪重重泉。爲雲作聲流七絃。隨風吹過古祠前。看山看雲入幽趣。畫山祇畫雲遮處。不盡悠悠膚寸心。等閒且共閒人住。

紫竹園女史陳絳綃以四詩索升菴梨花一枝次韻

六街征馬攬芳塵。靜掩苔園貯好春。塗徧番番風信暖。一枝索向惜花人。
錦江橋外綠波回。幾樹繁雲傍水隈。合付校書間管領。淨瑤理罷試深杯。
月落參橫夢乍休。又添林雪迓新愁。亞攔倦泥丁簾下。楊柳何心見陌頭。
竹煙蘿雨遲流觴。點入清池墨和香。應笑鄰娃鬥裙幄。不知詩思在湖鄉。

題澹園太守棧道圖

枝峯蔓壑一程程。試券疲驢自在行。梢過畫眉關上月。斷猿冷喚兩三聲。

顏碑無恙杜祠新。半畝泉泉著手春。回首劍門風雪影。畫囊書篋苦吟身。選入海曲

鈔詩

丁酉長至前三日榕巢觀察篆仙刺史喬梓招同林西

崖陳東浦德仲調三觀察王審淵太守胡晴軒中翰

楊笠湖李口口兩刺史徐牧也別駕張堯峯明經集

升菴錢送白華學使還朝分韻得詩字

珮聲重到舊巒坡。驚世文章蜀道多。北海樽罍渾漫與。西園裙屐數經過。射棚
畫墮情俱暇。梅蕊葭灰氣轉和。回首棧雲聯袂處。來朝何計過驪調。

遍游水瀨與山坡。桑隲遺篇舉正多。公自不忘時雨化。人偏爭覩景星過。平均
在手先除靡。光霽爲懷並飲和。今日文高齊下拜。真教玉室感絃歌。

風滿層巒雪滿坡。幾年傲外羽書多。乍看柳雅韓碑在。復向秦關晉嶺過。泛宅

秋塘蜀道詩

二六

休言圖晚靜。朝天有喜及春和。好憑聖主賢臣頌。譜入卷阿作遂謫。

歐公門下數東坡。替代人來感事多。代者劉待御純齋。爲白華門下士。歲月堂堂塵外去。雲山

冉冉客中過。地當名蹟懷文憲。堪爲揚州修宅候。異芳辰做永和。燭跋香銷渺離思。舍

棠甯獨召南歌。

送徐牧也權榮經令

徐卿好文敦古權。比年宦跡淹錦官。我昨客舍聽觀縷。佛心儒術交相殫。軍儲

星火下羽檄。尅期輸應良獨難。蚩蚩有知欺不忍。踴躍獻口膚俱完。勞形案牘

了千百。古調愛向今人彈。形聲訓詁迪髦士。孔孟有夢非詆譌。近事也。方州大邑

憩棠在。復向嚴道揚和鸞。平羌江南竿橋改。大渡河北郵亭攢。羣山圍合逕仄

劣。到日風雪淒吟鞍。知君欲回爨谷寒。暖律吹向衣裳單。放衙朝夜揭肺肝。吏

不煩擾民不奸。麥畦亟待冬水蓄。藻宮好及春風看。山陰洵美漫榮想。叱馭幾

輩加朝餐。

升菴催梅詩二首呈榕巢先生

一株瘦影橫。千點嫩蕊綻。昨朝輕霰繁。向夕凍雲宿。精神深蘊藏。氣候妙潛伏。

我來歲云晏。春事即可續。菴前嘉樹多。先待冰條馥。臨風倘早開。芳樽酌寒玉。

羯鼓非爾愛。敢以陳中園。蠟梅非爾族。何用賞邱樊。林有翠羽音。庭有明月痕。

暗香與疎影。菴主詞風論。豈惟詞風論。畫禪超風幡。銅瓶滌新水。夢已淹湖邨。

寒夜有懷

老樹槎枿葉盡刪。樹邊竹葉也爛斑。將圓月在雲遮處。未燼爐圍甕拆間。鄉語直從鄉信斷。客心遙逐客程還。謂白一燈如豆虛窗倚。惱殺窗前六對山。

火浣布

子雲賦蜀產。有布名細都。不知雋水間。異質成蠻奴。一經復一緯。尺幅頑且黠。錦段固難比。臬皮亦迥殊。謂是山上草。陰氣千年俱。不受野燒延。投餒彌沾濡。采緝付機杼。縷縷容腥汗。欲令還潔白。濯之以紅爐。我聞火光獸。如鼠毛生膚。取毛布可作。入火非畏途。血氣之所積。銷鑠或不渝。如何叢卉姿。昇炎亦全驅。相嶺互大小。三庚雪藏蝟。氈毳乃共寶。茲布甯相須。檀花滿坑谷。疋丈宜勤輸。勃泥炫吉貝。波弋夸春蕪。貴遠莫賤邇。要使衣裳需。舊鄉擅梭軋。連筒被海隅。浣水不浣火。火攻詎良圖。觀心得无垢。炙手避而趨。至道歷億劫。炳焉存中孚。

小除日過張前之園

競試桃符汜帚勤。閒蹤獨在伴松雲。枯桐倚壁蛛縈細。凍蕊當窗雀噪紛。爲與杜陵堂畔近。直從庾信賦中分。倘教延益方開逕。顧我難期數共君。

新繁道中

小邑錦城西。龍山入望迷。過橋驛作市。隔堰犢分泥。舊戶姜侯徙。新祠李相題。湍澗流不盡。飲馬一長嘶。

人日立春宿花藥寺

林皋鶻輕烟。阡術布微旭。僕夫指首塗。精籃躡深竹。入門聞妙音。跌坐耿幽獨。芳歲肇初陽。良辰先百穀。晝漏消清磬。夕颺動明燭。暫息馬足勞。預恐羊腓熟。華嚴界云寬。斗數辭乃速。顧此驚瀧奔。化機恬來續。

通泐橋

郟江左對田千頃。沱水中經派兩分。穿自文翁遺美利。渡因趙抃得清芬。洪波屢圯愁搖楫。苦柘新成穩臥雲。不是邦君勤夏令。那能行旅日紛紛。

贈古華楊明府

資中久聽神明宰。繁縣初看翼鑠翁。絲竹後堂甯可少。丹鉛前席慣求工。主緣洱海淹今雨。春到沱江換朔風。何事匆匆先秣馬。彌牟市上識方瞳。昔古華將之新都

成都上元絕句八首存七

錦裏風光錦不如。上元行樂小華胥。後庭玉樹臺連樹。左腕金鑊馬復車。一城十萬戶齊開。戶戶鎗縣廿數枚。剛是傾城蹋燈鬧。專城小隊辟人來。果州往歲又剛氏。及記銀花處處迷。今夜碧鷄坊口路。月華如水照鴻泥。銅鑼葦鼓攔街沸。走馬盤龍簇炬明。箇箇駢筒醉春酒。鰕隅不辨衆中聲。升菴火樹燦連宵。高下朱輝靜不囂。佳節故宜名勝地。七星橋畔看星橋。張蘭道上使星旋。應念重經倏五年。料得吃齋行館裏。忍教小宋費京錢。癸巳上元

同白華次張蘭今歸朝計
上元可抵此未謂稷堂

停鷓不到圖中句。圍燭空留劍外身。寄語阿舒且覓粟。客中漫問紫姑神。

升菴紅梅盛開榕巢觀察以墨梅題詞見貽賦答

當窗瘦影忽沉酣。假面春風笑未堪。小印赤嚙經歲香。故人空復夢江南。
拂素冰華分外明。風流白石倚新聲。從教庭樹相唐突。自有清真見性情。

榕巢觀察於升庵前添種梅花一株作短歌

前年種梅作花紅。喚起桃杏隨東風。今年添梅有花白。立並紅梅高數尺。園丁
固本還固花。半花半蕊枝橫斜。澆仍錦江之流水。照仍錦江之月華。移來雖傍
何遜閣。望去不遠林逋家。梨花將開弄晴雪。尙欲與梅賽芳潔。紅非塗脂白非
粉。化工何會判優劣。

升庵前復添綠萼梅一株和榕巢觀察作

絳衣偏反練裳舉。兩崦肩隨如靜女。綠萼後至三相參。新知何莫非舊侶。花紅
萼亦紅。花白萼不同。紅萼扶瓣仍碧玉。綠萼拆蕊忽青蔥。遠疑含綠近却白。近
乃甚淡遠始濃。羅浮月落夢初醒。翠羽飛來弄清影。合伴仙姝綠萼華。鬢雲薄
薄春衫冷。種梅畫梅還咏梅。筠廊虛敞歌徘徊。昔未曾有今已衆。騷經補闕直
使笑口靈均開。選入松江詩鈔及海曲詩鈔

題聽簫圖

秋塘蜀道詩

轉蕙光風到曲墀。正參金粟一枝枝。珠孃妙解王褒賦。小試輕唇待月時。
碧雲迢遞望秦娥。吹墮繁香鳳管和。爲說摩訶池畔好。苔溪秋色更如何。

贈劉純齋學使

井絡迢遙使節臨。春風庭樹長新陰。蘭臺警笏朝陽近。藜閣縑緜夜漏沉。甲冑
從容懷玉斧。子衿跌宕美瑤琛。三年重見舒城化。何必淵雲判古今。

乞沈澹園太守畫山水用東坡煙江疊嶂圖韻

西湖雲影浮孤山。春來不辨梅花烟。雲飛忽到東山頂。四春亭子風冷然。行春
太守勸農暇。乘興往往登梁泉。繽紛花雨散瑤席。想見節度東西川。石幢已沉
梵夾失。倏從曠劫回眼前。摩挲好古三太息。神物呵護甯非天。雕搜重費短長
句。山水刻畫爭孤妍。竭來繪事欲奪右丞筆。清景彷彿遊藍田。煙雲供養樂莫
樂。鄴江物色留頻年。子瞻試茶味甘冽。與可寫竹姿便娟。昔當扁舟臨采石。江
山風月忘宵眠。繡衣犀帶等閒事。自有畫聖兼詩仙。嘉陵粉本杜陵稿。一粟一
鶴都奇緣。凝香倘肯恣盤礴。他時臥游勝讀秋水瀟梁篇。

榕巢觀察以丙申元日升菴梨樹作花一枝時將赴徼

外爲圖紀之有詩有跋戊戌春出示屬題

草堂人日送行時。梅未飛花柳未絲。何處梨雲生一抹。升菴指點最高枝。
淺酌屠蘇淡染毫。山香舞罷試征袍。搖鞭更把新詩唱。開遍桃關萬樹桃。

二月芳菲錦作堆。蠻鄉猶是雪皚皚。女夷莫道情留少，已爲春初破格來。
邊徐畫囊蘇黃跋。能事相兼有幾家。聞說滿園飛蛺蝶。數株齊上玉鴉叉。

海棠

碧雞海棠天下絕。放翁有句誠非誣。霞蒸錦爛百花奪。媚晴濯雨三春俱。石家黃金欲作屋。惜未繁豔看成都。昌州香國種雖異。肯以齊魯易苕都。武皇買相工比擬。秦產要與蜀產殊。杜陵詩中偶未及。質論一笑良區區。客窗移來賞累日。日色晃朗浮珊瑚。黃昏燒燭照顏醉。猩血狼藉不可扶。往年兩過海棠驛。未暇駐馬尋根株。南充樊亭香莫得。木瓜西府誰相呼。赤瑛之盃眞珠滴。酌爾濕遍紅氍毹。

櫻桃花

穠李疎梅外。看餘白玉條。粉痕曾未流。墨澹也堪描。芳露下前夕。寒雲留幾朝。谷鶯如有待。朱顙上蘭招。

贈孟補堂

葦城里社接禾城。把袂偏從蜀道行。雁後花前新得侶。奔泉挾石舊知名。吳船細錄看難定。燕市叢談聽最明。一曲巴人通宛轉。春風何限仲宣情。

送堯峯之合江

枋頭熊熊夜光起。婆樓小兒將家子。黑龍呵護三河王。至今祠廟遺江涘。江從

繡部裂地來。少岷山色當城開。長風迴空撒鷹翅。漢將萬衆沉黃埃。時清竿夷競寶賦。巴符關接牂牁路。百丈牽舟雙槳橫。東南估客紛紛暮。軒車令尹忽好文。折簡介召遠迎君。白楊郊野縱飲罷。計日仍返花潭雲。棠梨醉月留不得。去就輕橈歸理策。覽古應憐藝苑荒。嬉春稍破禪關寂。凌雲過時盍櫂舟。載酒豈必守嘉州。但須嘯傲經三宿。已勝蒼茫到十洲。

贈胡晴軒中翰

芙蓉湖畔客。來住芙蓉城。芙蓉依綠沼。爭看庾景行。况乃紫薇省。共識元暉名。新詩井華遍。揮翰雞林爭。幾年賦出塞。磨盾請長纓。紛紛戎馬間。孰敢輕書生。自隨朱鷺返。兩載含羈情。蜀王餘故府。花木西宮清。安排紅絲硯。酌彼黃金觥。以茲揜羣雅。而令謁承明。那無倚那手。黼黻揚昇平。臨風肆遐緬。投簡心彌傾。

升菴梨花下作

槎枒老樹葉未生。作花如玉艷且明。梢簷一株更繁盛。數株錯落齊吐英。團團白雪凍春半。凝雲不動高枝橫。小桃輕紅間深碧。豐贍那及浮晶瑩。朝看露華浥漠漠。暮覺月采流盈盈。邀賞傾動錦城客。日引壺榼陶芳情。參天黛色凡幾幹。不花而葉同榛荆。花乎花乎好摹樣。瀛州雨灑簾櫳清。選入海曲詩鈔

朱箕谷明府過訪賦贈

塵外相逢豈偶然。棠梨深處勒吟鞭。香餘硯北微風夜。清入江南小雪天。消受

鶯花遲蝶夢。發揚騷雅待鴻篇。草堂艸色年年綠。翡翠蘭苔滿宅邊。

題堯峯入蜀圖卽送其出蜀歸維揚

君從西京來。識我劍南路。示我入蜀圖。意致出毫素。羣公多贈言。款款見情故。杜陵老好心。寄託嚴節度。况今新將軍。昔列程門數。笑談公卿間。脫略忘朝暮。詩篇磊砢伸。分書倔強赴。鑿古得其真。趨時非所慕。自留京華窟。遂隔武林渡。有子藍田丞。少者依瓜步。君切風樹懷。亟待巨卿顧。未了婚嫁緣。恐貽向平誤。幡然辭錦里。一舸吳天徼。西湖已無家。家在竹西住。出蜀至蜀岡。萬里渺雲樹。此圖我所經。此歸我難附。我心如江流。日夜從東注。梅看何遜吟。草怨江淹賦。

七月廿八日遊草堂寺卽席

堂外徒生草。溪邊孰浣花。千年開佛宇。四載住詩家。少陵之營草堂斷手於寶應之初永泰元年秋已寓四載而已稷契心空繫。湯休侶更賒。殘碑林莽躋。夜夜噪歸鴉。

霽色秋來少。今晨薄有曦。橙陰橫水碾。竹籟走雲楣。藉有當陽裔。能傾錄事資。

藥欄寧苦損。初地得栖遲。時杜廉使疑臺重修草堂

西枝春已杳。夔梓兩相依。少陵有西枝邨尋置草堂地詩今夔州潼州各有草堂故址家國多遺憾。風騷起

式微。香餘鸚鵡粒。冷逼芰荷衣。誰問韋莊宅。惟公可息機。唐末韋莊住草堂

泥飲隨田父。閭閻揖讓親。卽看松菊廢。不礙酒肴陳。美政從瀟灑。清襟洽隱淪。

習池歌既醉。回首艸堂人。

展重九榕巢觀察招同胡晴溪中翰王審淵沈淡園二
太守鄭玉峯司馬楊笠湖孫泰虔王東白三刺史朱
筠谷徐袖東臧藜閣王蔭千四大令集升菴賞菊分
賦限梗韻

菊籬遙斜菊畦整。開軒面面黃華靜。日落吐月月交燈。四壁流光寫菊影。小重
陽節故事佳。一十六人吟力逞。芙蓉城中漏滴壺。鸚鵡螺邊轄投井。諸公脫略
敦古權。樂酒樂于奉朝請。花枝四巡鼓三通。譁然飲若瀉汝穎。長調磊落字縱
橫。畫禪印史兼尋省。時和政平清暇多。山川風物歸臺省。所景切而我日夕留升
菴。陶家旨趣已深領。入座真逢翰墨場。隔牆便是招提境。雨餘來雁下菰蘆。水
際浮鷗亂萍梗。落帽渾忘蜀道難。授衣及念吳江冷。憶當早春梅乍放。兩株紅
綠看閉靦。今朝一萼忽迎霜。似爲晚香作和郢。故園松逕久蕭寥。何時載菊追
答筭。

昭覺寺

寺前方野連阡陌。寺後勞薪轉絡繹。北門管鑰曉漏開。筍輿遍領霜楓色。緯垣
秋來雨洗紅。重重殿宇高穹窿。藏經樓俯衆精舍。三四百僧蔓禪叢。布金初地
自唐宋。劫灰遭後無梁棟。何物仇人李鷓子。腥風濺血屠刀弄。破山一鬢保萬
家。弟子丈雪亦可嘉。重新紺碧振魚版。佛日照耀青蓮花。戒香爇餘流梵頌。西

天妙法南膜拜。別院遙分雙桂堂。蜀都闈士稱同派。莫道餐風瘦衲貧。登場杭稻積輪囷。不知解帶呵陰客。樂我言若忘帶身。

郫縣揚子雲墓

哀章獻銅匱。封及賣餅兒。大夫心未死。對組寧肯辭。上有謙恭貌。下有恬澹姿。三朝共臣列。一旦北面之。文采故彪炳。氣節竟陵遲。蕭然墓門棘。風雨侵殘碑。何武葬何處。郫人罔聞知。招魂魄尙驚。吁嗟投閣時。太子發爻象。法言求宣尼。不慚姬公美。不惜嬴氏嗤。亭荒宅亦圯。千秋豔枯醜。長陵一抔土。終當龔勝遂。

楊太尉墓

河岳萃英靈。危言出漢廷。艱難阿母第。慷慨夕陽亭。大鳥空留影。中牢枉薦馨。到今清白吏。松柏鬱孤青。

惠陵

永安宮中遺詔紙。成都郭外寢園起。吞吳失計恨茫茫。赤符大運長已矣。公孫陶謙初應求。平原相旋領豫州。郟東下邳雖連跣。蛟龍雲雨終相投。須臾布死公路走。天下英雄使君右。髀肉何須感涕零。臥龍已使將軍有。當陽勝負故難知。天遣風帆赤壁馳。婢刀滿室情方合。湘水分荆意復離。莫謂劉璋欺闇弱。斷頭也自拋城郭。沛公蜀漢昔開基。且奮龍顏捲銅雀。沔流浩浩拱壇場。眞主中興告上蒼。未消鄴下羣兇熾。先向潯陵列陣張。蹉跎王業嗟遲暮。魚浦還軍鼎

秋塘蜀道詩

三六

湖赴。謨訓洋洋顧命時。山川黯黯歸喪路。隧道蘼蕪暗碧雲。闕宮俎豆冷斜曛。
綸巾羽扇陪旒纒。文武衣冠兩廡分。卽今草木春改色。舊鄉誰問樓桑在。曠代
能令寇盜驚。一抔終古空樵採。斷碑零落辭痕枯。北地魂應繞殿隅。長安高廟
通呼吸。萬里中原鬱霸圖。

國士橋

主漆頭餘臣漆身。恨教塗廁未成仁。馬前濺血消仇敵。橋下悲風動鬼神。輔果
有心逃智氏。羣狼轉瞬屬秦民。後來恩怨分明者。爲是中行報衆人。

籌筆驛

二表勤拳草後先。盱衡東北日憂煎。運籌更比文成苦。投筆終非定遠賢。猿鳥
呼風磨盾客。馬牛流汗校書年。謀臣策士高皇衆。官府於今孰仔肩。

長平坑

上黨雄稱脊。平原利中心。秦師工截饜。趙壁易摧金。血肉環營賤。塗泥歷劫深。
武安軍令秘。馬服將壇沉。孤戰危何及。羣降餓不任。已教王黜拔。空使鄭朱臨。
蟲化驚雷蟄。鯢封慘月陰。爲壑看滿戶。總角幸歸林。遺誤由書篋。餘辜到劍鐔。
殃隨功並烈。兵與地俱侵。故鬼方留迹。諸儒復嗣音。廉頗長太息。望楚逝駸駸。

定軍山諸葛公墓

山頭開雙峯。山下容萬騎。夏侯會此殲。北伐稱要地。公生與衆屯。公沒孤魂寄。

遺民祭紛紛。鐘會亦薦纒。豈徒八陣雄。驚走司馬懿。穹窿積土高。蒼蔚叢祠闕。
神鴉噪靈風。草間狐兔避。扇影靜不搖。瑤韻渺誰嗣。緬當隆中坐。火井留一熾。
但能報主知。詎得回天意。兩朝耿三忠。未造伸大義。沔水日夜流。砥柱光史議。
夷夏要祛塵。弟兄任分轡。蒼茫荆益區。黯淡伊呂志。千春望帝悲。松濤壯鼓吹。

姜伯約墓

百戰矜餘勇。陰平料亦明。苦教讒信鬼。遂使寇臨城。幻計何能遂。仇家幸即傾。
劍門精爽聚。泣盡杜鵑聲。

張桓侯墓

態虎將軍勇莫當。風雲浩浩大旂揚。橋頭有路臨危截。帳下何人伺隙戕。臣主
鍾靈同涿郡。死生禦寇在巴鄉。不應志地刪遺迹。轉使松楸附草場。今四川志

侯墓而別見於華陽幸舊志侯墓在保寧郡治東趙清獻古今集記關侯墓在草場

龐靖侯墓

驥足原非百里才。封侯骨相早登臺。天邊一矢來何遽。壇上千官恨未陪。懷沛
同殲真得計。關張繼沒劇堪哀。拜牀舊宅魂歸否。宿草年年驛路摧。

譙周祠

雛鳳天。伏龍死。君豚兒。臣鼠子。祇與皓。佞同喜。傅及葛。降獨恥。觀星臺。高星象
窮。仇國論。成國運。終。太子何在家。何在。異哉廟。食留南。充。南充洛陽路。遙隔。漫

秋塘蜀道詩

三八

隨卻正共朝夕。

費敬侯墓

宗臣詎貧彌留舉。侯自當年誤舉陳。整暇故非同輩及。怠荒爭奈出遊頻。屯軍就徙聞呼突。刺客乘酣歎不辰。爾後漢家誰辦賊。劫秤長恨冢中人。

蘇武牧羝圖

國家一從失衛霍。白羊別種復沸騰。往年且鞮使使獻。謂是三百馴鷹肱。如何覺起誅衛律。旄節盡禿淹窖冰。北風蕭條海上來。九死絕域誰依憑。烏頭馬角語太逼。羝乳安得有異徵。上林擊熊自神武。回書雁足從未會。霜華染鬢空拂鬱。旃雪滿腹撐峻嶒。人不如羊寢訛適。牛衣對泣嗟何能。掘鼠仰歎甘脆缺。反哺烏鳥私徒增。孤臣忠孝豚可格。童毀萬一生牢憎。側聞貳師牽肉袒。闕氏勸盞酒如漏。趙信降虜轉誘漢。敗羣真令卜式憎。宛馬貴重羶駝賤。羔裘敝盡瞻觚棱。奉春早效魏絳策。和親枉復輸金縢。封狼之性難矯制。觸藩決裂戎兵興。穹廬沙草幸稍靜。粧點坡上隨降升。何來野樂惱人意。銜杯苦勸煩李陵。肝腦塗地未遑諒。欲以雞穢寵豆登。他時一牢告廟後。柔毛得見行嘗烝。肖象炳耀麒麟閣。茲圖壯氣已霞蒸。從官存亡感寥落。七科謫戍久喪朋。嗚呼子卿竹帛稱。下視破奴等蒼蠅。

鴻門

一劍向季揮。一劍還翼季。一劍怒不平。玉斗碎在地。壯哉樊將軍。彘肩卮酒氣如雲。危哉張子房。出告警入謝。楚王東歸志已決。遂與戲西成。永訣羣策。既懣羣力乘。亞父那能敵三傑。鴻門閉。鴻溝開。霸上有喜垓。下哀。新豐故老猶

話項伯來。選入松江詩鈔及海曲詩鈔

紫柏山留侯祠

韓祚一再傾。疾秦復怨楚。雖乏事漢心。何限興漢語。淮陰就鉄鉞。鄴侯逮圍。超然物外姿。雲霞附仙侶。帷幄病風稱。惟怯彊斯禦。辟穀本長生。書卒仍謚子。紫芝望岩穴。紫柏綴祠宇。智識真帝師。狀貌豈兒女。紛紛跨棧驪。隱隱守關虎。功人縱云多。儒風獨千古。

武侯祠

沔陽立廟自炎興。來往靈旂傍惠陵。想象草廬清鑑德。遺留桑樹綠陰凝。明良一德羞蛙紫。孫子三忠儂豆登。麟閣鬚眉仙骨少。坂垣夜月響朱繩。

劍閣

大劍山從小劍奔。山爲城府劍爲門。籜聲墮地人疑鬼。雲氣漫天畫作昏。萬馬一麾忘在德。三郎半世悔多恩。誌公舊寺休尋訪。且凭紅關白日捫。

武擔山

家是武都泥鏡非。武都石山精一朝閱。再不化絕色。春草自年年。費盡五丁力。

秋塘蜀道詩

四〇

猶聞卽位時。蒿呼滿帝室。

天回山

長安北望三千里。風雨卽當喚奈何。此日翠華歸緩緩。可堪重過馬嵬坡。

班孟堅墓

扶風古道幾荒堆。中護軍留漆水隈。邨落重重連絳帳。文章奕奕冠蘭臺。五詩
誰授西都客。九歲羣稱北地才。倘惜著書猶未就。燕然何苦勒銘回。

韓侯嶺

嶺上叢祠祠後墓。舍人弟是鬼之媒。威行趙魏營頻駐。怒解良平印果來。帝子
墓年臣不宥。王孫蚤歲母曾哀。山川極目咸陽盛。風雨遊魂返釣臺。

趙城

天子瑤池對王母。小臣姑射望神人。自從謀父祈招獻。食采優遊脫馬塵。

井陘關

井陘關。石如鐵。車不得方軌。騎不得成列。惜哉成安君。不聽左車說。草山背水
兵法精。陷之死地而後生。趙壁一空漢幟立。旂鼓震動邯鄲城。太行八陘數第
五。深井窺天環百堵。霜角隱隱鳴五更。風蹄格格稀寸土。蜿蜒巖壑鳥道懸。迤
邐斥埃鳥亭偏。阜漿逕向漳沓走。冰漸雪凌消春烟。君不見佳人鼓瑟酒壚沸。
豪士骭髀橫劍氣。蛇狼厲吻函谷來。囊括席捲連韓魏。又不見郭開壁臣受黃

金。李牧頸血。膏斧鐔。常山雖高若累卵。何待禽歇鷲淮陰。

馬道

蕭何追
韓信處

青羊關去黑龍江。石罅奔流怒擊撞。斜照一鞭穿萬木。鄼侯會趕土無雙。

師曠故里

典樂一夔尊。衰周子野存。律知何處競。石故不能言。鱣酒葵臣共。水音亡國論。風光揚縣古。瀟照落重門。

江油

大匡接小匡。天柱連天倉。析地屬廣漢。居人始氏羌。朝發漫波渡。亭午見女牆。涪水自北來。猶帶甘松香。劍閣天下險。伯約抵死防。豈知陰平道。艾已通羊腸。一登江油戍。投足皆周行。懸竹詎可守。誘以瑯琊王。父子並捐軀。不媿生武鄉。至今龍州外。捷徑多裹糧。鴻毛輕性命。左擔若康莊。秦蜀棧分三。金牛益荒唐。

題朱凝臺桐月照

夕霧屏衆喧。涼颼動林葉。清餘山水音。靜理得心愜。雲根拂苔花。坐嘯煙波接。空明轉慧珠。漾月金漪疊。桐枝寫琴韻。竚奏王喬葉。不流京雒塵。盎然書味淡。十年隔湖海。快對雕龍纒。西爽正宜人。忘言歛湘篔。

篆仙刺史出蜀圖卽送之滇南

羅叢開奧區。遂達梁州貢。無臣無高山。叩喙叱飛輅。刺史宰是邦。十年善撫衆。

秋塘蜀道詩

四二

軍儲更賢勞。五載錦城關。自擢白崖牧。仍看桐花鳳。今夏赴春明。與余鞭絲共。出蜀固欣然。入滇萬里縱。文通無限情。最在南浦送。君家治譜傳。柏府近稀詔。郵程過三川。省覲斑衣弄。卽逢竹馬來。點蒼對吟諷。朱轡轉躡駝。遠播漁陽頌。獨憐京華客。梁月繫清夢。鱗鴻藉尺素。款曲開絨誦。崎嶇歷已盡。坦路安磬控。從古邦國才。終爲霖雨用。鵬翼摩蒼旻。爽氣橫秋仲。

題畫筵送篆仙

青山望不極。碧樹遠相送。之子滇中去。關河秋正清。南陔思萬里。北闕動雙旌。今夜蘆溝月。啣杯何限情。

次韻答榕巢觀察徵外見寄之作

星使絕域臨。行幄衆峯抱。一鞭揮千騎。羌路日旋繞。側聞三伏時。冰雪尙不少。威稜懍蠹夷。伏莽畏搜討。高歌驚鬼神。青海涌鳧藻。懷人逮羈孤。靜夜陰聲悄。溪水烹蟹眼。山葱剝龍爪。知公望錦城。火雲隔杳杳。

作前詩竟復疊韻寄祝觀察六十二初度時六月二十

七日也

椿樹旣絜園。松柯更合抱。下有叢芝生。上有羣鶴繞。錦江濯綠衣。介壽來多少。儻哉郭汾陽。白鬚領招討。雖當涉遐荒。不肯輟翰藻。公心自怡怡。蠻情乃悄悄。好拍洪崖肩。重憶麻姑爪。采得蟠桃歸。歸期近非杳。

秋塘蜀道詩 終

跋

秋塘與余既有中表誼。亦甚相契。歲乙未。同舟入蜀。余逗留楚北。不果往。秋塘在蜀三載。徧歷川南北。得詩二卷。筆墨淋漓。波瀾壯闊。洵得江山之助。爲不淺也。惜己亥冬。以微疾卒於脩門。遊藁蕭疎。簡編零落。余雖嘗抱人琴之感。而輒軻無成。慟焉後死。既不克教育其遺孤。復不能表章其著作。余滋愧矣。嗚呼。秋塘不幸爲飢驅之故。間關跋涉。夭其天年。然猶幸探奇扶輿。有此一編。庶幾天下後世。尙知有秋塘其人。以視夫同此困頓憔悴。而文采不著。隻字無傳。則相去又何如耶。同邑馮金伯撰。（墨香居秋塘詩跋）

先生詩神似晚唐。無美不備。前集已選二十餘首。故不復錄也。咸豐五年乙卯小春。同里後學拜讀於鐵沙客館。

曲村火文煥誌

先生爲余之曾叔祖也。名威。一世爲吾宗之杰出者。祖宗培植數百年。而後生誠非易得。其遺稿余未得一覩。今其嗣枝巢叔祖。病入膏肓。手是編付余曰。庶皇天不負苦心人。得以剞劂以壽世。余受之且喜且悼。繼且懼之。亟披閱一過。隨擲管記此。時大清道光四年八月二十一日午後守璇書。

跋

公諱蘭泉。字栽亭。號秋塘。爲十一世祖致俞公次子。松江府庠廩貢生。候選訓導。食餼後。卽囊筆走京師。巴蜀。王蘭泉先生。吳白華學使。均欽其才。居蜀三載。於兩川勝蹟。吟詠殆遍。客廬唱和。相得甚歡。著有秋塘詩草三卷。已佚。惟蜀道吟兩卷尙存。馮墨香廣文。曾爲選錄於海曲詩鈔。深加歎賞。公幼而穎悟。工書法。所作詩文。雄傑奔放。不受羈勒。所謂得江山之助歟。公嗣子枝巢公。病入膏肓時。手此編以付族姪孫守潛公。曰。得能剴劂壽世。庶蒼官不負苦心人也。守潛公拜命謹受。仍未及付梓。予得讀是編。時閱百載餘矣。文采重彰。足爲我宗之光。惟蛙蝨蠹殘。將不可識。亟加繕正。廣搜附錄。編入姚氏叢刊。以資流傳。嗚呼。予豈好名哉。不忍負苦心著作長此湮沒耳。公之事迹。已詳郡邑志家傳。不贅。後嗣寂寂。不勝感慨繫之。

民國二十六年丁丑春正月中浣裔孫永年養怡拜識

附錄

郡志古今人傳

姚蘭泉字栽亭。南匯人。貢生。工詩善書。嘗入都。王蘭泉昶。吳白華省欽。均愛其才。著有秋塘遺稿。

光緒南匯縣志

姚蘭泉字栽亭。號秋塘。填裔孫。善詩。工小楷。吳省欽以待讀視學四川。邀與俱。詩益進。赴北關。場後遽卒。參胡志海曲詩鈔

叔祖秋塘先生傳

之照

先生諱蘭泉。字栽亭。拱宸公之孫。致俞公次子也。少穎異。甫十歲。作小楷字極有法度。及長。能文章。爛吟咏。書學晉唐帖。工絕一時。試輒冠其儕。偶乾隆癸未。李大宗師^因歲試。取入府庠。丁亥。曹大宗師^秀先科試。以一等第三名食餼。游京師。入吳白華先生幕。相得歡甚。從四川學署。唱和極夥。附刻白華詩稿。應松茂道查公^禮聘。訓其二孫。戊戌。貢入成均。應順天府鄉試。場後嘔血數升。暴卒。賴白華先生經紀其喪。回籍營塋。遺稿三卷未梓。

漢口送姚秋塘入蜀

南匯馮金伯墨香

石棧天梯望杳然。送君此去路三千。春來江闊聞龍嘯。夜半猿啼攪客眠。古驛細簪諸葛筆。新詩多寫薛濤箋。此間吳蜀平分地。各况家書我替傳。

秋塘蜀道詩 附錄

二

蓬窗唱和共悠悠。豈料中途有別愁。三楚風烟帆乍落。兩川雲樹客重游。竹枝
夜續巴山雨。繡被春寒鄂渚舟。江漢合流人獨去。送君有淚洒中流。

旗鼓頻年張一軍。誰知客路手偏分。依樓隨地同汀雁。蹤跡無心似橫雲。此去
眠餐須自慎。得歸麋鹿總成羣。他年共訂名山業。楚塞風騷論蜀文。(墨香居詩鈔)

送秋塘再赴蜀幕

南匯唐祖懋 藍夫

乍攜家具買林邱。又媿輕裝賦遠游。淮水秋風頻入夢。秋間相遇於秦淮巴山夜雨易

生愁。浮蹤略似三邊雁。野性難馴萬里鷗。到日錦城春色早。海棠花底醉千甌。

衛霍軍聲殷怒霆。月支獻後待犁庭。雨昏萬竈炊烟黑。風撼層巒戰血腥。自昔

雄才工草檄。於今絕域望鏑銘。請纓投筆平生志。愧我疎慵守一經。(述山詩鈔)

送姚秋塘赴保定幕

南匯王家聲 毓三

牛角相交意最投。那堪言邁古幽州。關情雲樹思姚監。放志琴尊笑醉侯。麗句

珠函光燦燦。清姿鶴立致悠悠。他時擢自蓮花幕。始信河陽善拔尤。(周浦詩鈔)

秋塘聞予還都走索家信翌日而歿

南匯吳省欽 白華

我從故鄉至。攜爾故鄉書。爾已來荒邸。書猶滯後車。愴然揮手後。溘爾蛻形初。
作別無三日。傷心飯含虛。

歐血文人憤。膏肓未受磨。艱虞緣失第。放誕看成魔。蜀棧連雲合。吳江落葉多。

一棺隨佛火。鬼唱定如何。(前稿)